

Nicolai Svsii E Societate Iesv Opvcvla Litteraria

Suys, Nicolas

Antverpiae, 1620

XII. Breuia quædam monita, à verborum delectu non aliena,

[urn:nbn:de:hbz:466:1-69342](https://nbn-resolving.de/urn:nbn:de:hbz:466:1-69342)

cerunt, etiam qui nesciunt, etiam qui reprehendunt.

Si natura negat, facit indignatio versum.

Iuuen.

Satyr. 6.

— Omnia Græcè,

Cum sit turpe magis nostris nescire Latinè;
Hoc sermone pauent, hoc iram, gaudia, curas,
Hoc cuncta effundūt animi secreta. Quid vltrà?
Nihil vltrà. Nolo thalami secreta reuelare.
An non & Belgicæ matronæ nostræ ita modò
gallicè lasciuiunt, vt Romanæ quondam
græcè? Quid matronas commemoro sequi-
oris sexus? An non & viri: Si tamen viri sunt,
qui patrem aut matrem compellare nesciunt
nisi lac Gallicum suxerint post ætatis annum
vigesimum interdum, & quadragesimum.

Ohe iam satis est.

CAPVT XII.

Brevia quædam monita à verborum de-
lectu non aliena.

Senecca

ep. 114.

Admodum succinctè duo percurram orationis vitia, quæ ad verbōrum vitia reuocari possunt. Primum vt notarem Senecca me admonuit epist. 114. *Arruntius vir rara frugalitatis, qui historias belli Punici scripsit, fuit Sallustianus, & in illud genus nitens. Est apud Sallustium: EXERCITVM ARGENTO FECIT: id est pecunia parauit. Hoc Arruntius amare cœpit: posuit*

posuit illud omnibus paginis. dicit quodam loco: FVGAM NOSTRIS FECERE. Alio loco: HIERO REX SYRACVSANORVM BELLVM FACIT. Et alio loco: QVÆ AVDITA PANORMITANOS DEDERE ROMANIS FECERE. Gustum tibi dare volui. Totus his contextitur liber. Quæ apud Sallustium rara fuerunt, apud hunc crebra sunt, & pñne continua; nec sine caussâ. ille enim in hac incidebat: at hic illa quarebat. Vides autem quid sequatur, vbi alicui vitium pro exemplo est. Dixit Sallustius: A QVIS HIEMANTIBVS: Arruntius in primo libro belli Punicia ait: REPENTE HIEMAVIT TEMPESTAS. Et alio loco, cùm dicere vellet frigidum annum fuisse, ait: TOTVS HIEMAVIT ANNVS. Et alio loco: INDE SEXAGINTA ONERARIAS LEVES PRÆTER MILITEM, ET NECESSARIOS NAVTARVM, HIEMANTE A QVILONE MISIT. Non desinit omnibus locis hoc verbum infuscire. Quodam loco Sallustius dicit: INTER ARMA CIVILIA Ä-QVI BONI FAMAS PETIT. Arruntius non temperauit, quo minus primo statim libro poneret: INGENTES ESSE FAMAS DE REGVLO. Hoc est, quod Seneca nos docet prudens, & non minus verborum quam morum seuerus exactior: sine vitio ac reprehensione meritâ easdem crebrò dictiones redire non posse: vele-nim ineptam in se continent affectationem, vel ignauam ac supinam arguunt scribentis recordiam: aut denique linguæ imperitiam,

scr-

sermonis inopiam. Itaque, vt vitiosis nullus locus sit; elatioribus minusque apud antiquos notis rarissimus esse debet. Feriunt enim legentis animum, & non attento licet, atque oscitanti molestiùs incurront, ac sese quodāmodo ingerunt, vt latere non possint, imò nec latere velle videantur, sed admirationem sui concitare stolido quodam & inani fastu. Reliqua quæ de plebe sunt, faciliùs sese occultant, aut certè non ita ambitiosè sese ingerūt, vt quamuis eant redeantque sapiùs, minùs tamen notentur. Neque ideo his impune erit, si singulis recurrent lineis, & quasi viam obsideant, & aditum reliquis præcludant: nisi ea fortè tam necessaria fuerint, vt sine molestâ curâ reiici non possint. Tunc enim maius vitium esset orationem suam fatigare nimium, ea quæ se offerunt repellendo; alia, quæ non satis morigera sunt, inuitando. Cauendum sanè, omnino cauendum, ne quis cum Hermolao ferruminator audiat, aut huiusmodi nomine per infamiam innotescat, dum litterarum subsidio famæ suæ consulere molitur. Illud igitur primum sit, quod vitare necessum est. Alterum in controversiam vocatur: an in orationis contextum, quod paſſim iam elegantiores facere assuerunt, sine vanitatis aut leuitatis vitio versus sese insinuare possint? Cicero quidem de Oratore lib. 3. & Quintilianus lib. 9. cap. vlt. versum aiunt

in

Cic. de
Orat.
lib. 3.
Quint.
lib. 9.

in oratione fieri multò fœdissimum esse. Sed hoc nil ad caussam nostram pertinet, qui nullo modo orationis artus velut & membra, versus esse volumus, sed quasi monilia, aut qualia in aureo solent esse crater, signa quædam & insecta. Verùm antequam totā de re sententiam ferre possim, hoc primū consti-
tuo: Oratoribus poëtarum lectionē maximè utilem esse; tum quòd eorum animos sub-
limiori & diuiniori quodam spiritu supra vul-
gus uehere soleant; tum etiam, quòd omni
orationis apparatu magis instructi, etiamsi
non omnia eādem audaciā efferre persuade-
ant, aliqua tamen æmulari docent, quæ ora-
torem magis venerandum plebi & reueren-
dum exhibeant. Hanc lectionem Cicero,
Quintilianus, & alij Rhetorum principes,
non tantū probarunt, sed seuerè præscri-
pserunt. Non tamen hac præsertim in re con-
trouersiæ nostræ cardo versatur, an poëtæ o-
ratori legendi sunt, cui & historia cognita esse
debet, & omnis perspecta humanitas, & ex-
plorata antiquitas. Id enim imprimis exami-
nandum suscepi, an antiquorum poëtarum
versibus in oratione locus esse possit. Cùm
verò scriptio[n]is varia sint genera, pluribus o-
pus est scitis ac decretis, vel vt austera conti-
cescant nomina, nō nullis sanè opus est con-
clusiunculis. Nam, vt cætera omittamus, &
epistolarum sua est venus, & philosophica-
rum

rum litterarum anima est & mens alia; atque eius etiam, quod orationis nomen, quasi propriam possessionem inuasit, intra poëtarum limites ac terminos sua iura sunt & leges: ut aliud atque aliud de unoquoque genere iudicium esse debeat. Primum ergo epistolis, & familiari quoque domesticæque consuetudini versiculum aliquem, aut eum dimidiatum miscere nemo prohibet; quin inò, nemo non laudat: tum præsertim, cum ad hilarem quempiam exultantemque Nasōnem, non ad tetricos illos morososque frontones perscribimus, aut ἀμέσως & agrestes de Timonis villulâ humanitatis omnis inimicos. Quod verò ad sacratiora illa, & magis intacta intemerataque sapientiæ studia spectat, maior difficultas videri posset, nisi omnis olim penitior & augustior cognitio solis propè poëtarum versibus commissa fuisset. Itaque Cicero nullibi magis huius disciplinæ se obseruantem ostendit, quam in iis, quæ ad philosophiam spectant, libris.

Quod ipsum priscos factitasse confirmat lib.

Cicero Tusculanarum 2. Fuiſti ſapè credo, cum Athenis
Tusc. 2. eſſe, in ſcholis Philosophorum. Fui verò, ac libenter quidem. Animaduertebas igitur, et ſi tum nemo erat admodum copiosus, veruntamen versus ab his admisceri orationi. Ac multos quidem à Dionyſio Stoico. Probè dicis. Sed is quaſi dictata nullo delectu, nullâ elegantiâ. Philo & proprium numerum,

¶

& electa poëmata, & loco adiungebat. Itaque post
quam adamaui hanc quasi senilem declamationem,
studiosè equidem vtor nostris poëtis. Sed sicubi illi
defecerunt, verti ipse multa de Græcis, ne quo orna-
mento in hoc genere disputationis careret Latina
oratio. Restat tertium illud genus, eloquentiæ
quasi proprius auitusque fundus, quod in
foro, in curiâ, in rostris dominari gaudet.
Quod quidem genus, cùm suaui illo suo ag-
mine fluere debeat, sæpius ad poëtarum viri-
des licet amœnasque lauros allidi non de-
bet. Neque tamen Cicero id vitauit adeò,
qui in interdum ex florenti illâ siluâ surculos
legit, quibus oratio magis efflorescat. Quod
pro Cælio, pro Balbo, in Pisonem, in Anto-
nium factitasse nemo inficiari potest. Id ta-
men obseruandum seriò, quod iam pridem
in omni orationis parte obseruandum duxi:
quid auditorum aures ferant, quid postulent.
Afer nuper docuit suâ ætate id non modò vi-
tio non datum, sed inter virtutes numerari so-
litum. Exigitur, inquit, ab oratore etiam poëticus
decor, non ab Attij aut Pacuij veterno inquinatus,
sed ex Horatij, & Virgilij, & Lucani sacrario pro-
latus. An verò nostri nostrâ hac tempestate ni-
mis luxuriauerint, & inani ostentatione se ri-
diculos exhibuerint, nolo decernere: satis res
omnibus manifesta, quibus non de pepone
cerebrum.